



UNIVERSITÄTS-
BIBLIOTHEK
PADERBORN

Universitätsbibliothek Paderborn

Incarnatio Mystica Sive Christiformitas

Roger, Nicolaus

[Erscheinungsort nicht ermittelt], Anno MDCLXXXIV.

Cap. XIII. Christiformitas cum Iesu in Eucharistia manente.

urn:nbn:de:hbz:466:1-37940

C A P U T XII.

*Christiformitas cum IESV in Eucha-
ristia manente.*

§. I.

AUGUSTISSIMO Sacramento Eucharistiae, ubi amor Christi erga nos velut in throno dominatur, Christiformitas nostra consummatur. Hic Jesus diligit in finem, hinc Jesus in finem diligitur. Nisi quam Incarnatio mystica relucet magis: sanè Eucharistia ipsius veræ Incarnationis extensio est, qua unio suppar & imitatrix hypostaticæ latè propagatur, & religiosè communicantibus impertitur, unde concorporales & consanguinei Christi Jesu, immo Christi efficiuntur, in unum cum Patre Christoque, sicut ipse Patrem rogavit, consummati: sicut misit me, inquit, hoc est, generavit & incarnavit, vivens Pater, & ego vivo propter Patrem, vitâ scilicet Dei ab eo acceptâ: & qui manducat me, vivet propter me, hoc est, sic vi-

Q 7

vet

vet vitâ mea ex ipso Sacramento corporis ac sanguinis haustâ , adeoque spiritu meo animatus Christificabitur. Ambierant principes generis nostri per cæcam credulitatem cibo vettito fieri Dij , scientes scilicet bonum & malum: justus autem ac misericors Deus ambitionis votis indulgens nos Deos & homines facit , at simul reos homines punit. Vide profundum ejus consilium : Escam porrigit hominem Deum, quo fiant homines Dij infestati cibo vitali ad vitam , quos inescaverat cibo lethifero dæmon ad mortem ; at sensibus, qui ad fructum prohibitum videndo , tangendo , gustando adhinnierant , interdictum vult , arcetque illos velut profanum vulgus à tantò mysterio , abigit scientiam, fidem exigit: hanc fidem præcipienti Deo abnuet homo durum sermonem causatus , & Capharnaiticum illud *quomodo* concrepans proditoria Judæ buccâ , quam fidem diabolo deci-

cipienti annuere cunctatus non est?
Christus itaque dignè comedentes
comes Christiformat , eos in se
commutans, ac mysticè transsubstan-
tians ad modum ferè ipsius panis &
vini verè transsubstantiati , ut quod
felici anagrammatismo hæc verba
continent , Sacramentum Euchari-
stiæ : chara Ceres in J E S U M mutata,
hoc ipsâ refelicius non in signis mo-
dò, sed & aliquatenus id manducanti-
bus dignè perficiatur. Nusquam ali-
bi verius usurpes illud, quam ad Chri-
sti mensam: vivo ego jam non ego, vi-
vit verò in me Christus. In pane po-
tissimum ac vino mortalium vita quo-
tidiana consistit, hanc in illis sistimus
Deo paratæ ad ejus aras occumbere
victimæ ; verùm cæsis illis sacrifico-
rum verborum gladio, reliktoque nu-
do accidentium seu specierum cada-
vere substituit sese frater noster pri-
mogenitus omnis creaturæ, vitamque
suam dignam supremo rerum Domi-
no

CHRISTIFORMITAS,
no hostiam offert Patri vice nostræ,
quam expiat ac sanè redimit. O ma-
gnificam pro maiestate victimam ad
condigne adorandum, ad gratias ei
agendas pro beneficijs, ad propitian-
dum illum pro peccatis, pro necessita-
tibus mortalium exorando Patrem !
Hoc mysterio non modò Patri fit ho-
stia, sed etiam esca fit nobis, trajici
amat, ne quid holocausti & Pascha-
lii agni supersit, in viscera nostra.
Verbum caro nubeculâ specierum ob-
umbrante carni nostræ lese ingerit
novo quodam Incarnationis genere,
& intimâ, æctissimâque nos unitate
sibi inserit, ac inviscerat. Ne mora-
lem qualemcunque, aut mysticam
unionem putas esse : naturalem uni-
tatem SS. Hilarius, Chrysostomus, &
alij vocant, & quidam nec infimæ no-
tæ Theologitalem credunt. Ego ma-
ritalem potius ex naturali moralique
mixtam cum sapientissimis Doctori-
bus ex communiori fidelium sensu in-
ter-

terpretari malim; hīc enim (a) efficitur
una caro sponsa cum sponso, unus spī-
ritus sanctus anima cum Christo.) Ni-
mirum primum sponsalia nobiscum
(b) celebrat Christus in baptismo, an-
nulo fidei subarrhans nos, deinde nu-
ptum dicit in Confirmatione auctio-
ris gratiæ dote, postremò in Euchari-
stia matrimonium spirituale consum-
mat non modo charitate, sed etiam
ipsâ re permixtus nobis trajectione
corporis sui in stomachi nostri fundū
usq; ad totius corporis meditullium,
unde non simus amplius duo in carne
una, sed una caro. Atq; ita mutua cor-
porum traditio consummatur, ut me-
ritò adulter ille censeatur, ac sit, quis
quis hoc pastu dedicatus peccat in
corpus suum, tollitq; membra Christi,
& facit membra meretriciæ turpitudi-
nis, quibus membris Christus fit ger-
men ac pignus futuræ resurrectionis.
Sic deniq; Christus formatur in nobis,
in eo manemus, simulque manemus

(a) Ber. ser. 2. de Cœna. (b) ibid. in-

incorporati illi. Sic ejus spiritum ipsi primum ut capiti , tum deinde reliquo ejus corpori, quod est Ecclesia, connectimur unitate charitatis , quæ per hoc amoris Sacramentum maximè coalescit. (c) Quisquis ergo vis incarnari Christo , & vivere de spiritu Christi, in corpore esto Christi, incorporare illi & Ecclesiæ suæ, quæ cum eo (ut potè sponsa) una est caro per corporis sui participationem. Nunquid enim corpus meum vivit de spiritu tuo? meum vivit de spiritu suo, & tuū de spiritu tuo. Non potest vivere corpus Christini de spiritu Christi. Indè est quod exponens nobis Apostolus Paulus hunc panem : unus panis, inquit, unum corpus multi sumus, societas scilicet sanctorum, quæ hoc mysterio significatur & perficitur , propterea quippe sicut hoc semper intellexerunt homines (d) Dei, Dñs Jesus Christus corpus & sanguinem suum in

(c) Aug tr. 26 Ioan. (d) Aug. ibid.

in eis rebus commendavit, quæ ad unum aliquid rediguntur ex multis. Namque aliud in unum ex multis granis conficitur, aliud in unum ex multis acinis confluit. O Sacramentum pietatis! ô signum unitatis! ô vinculum charitatis! Qui vult vivere, habet ubi vivat; habet unde vivat, accedat, credat, incorporetur ut vivificetur: non abhorreat à compage membrorum; non sit putre membrum, quod refecari mereatur; non sit distortum, de quo erubescatur: sit pulchrum, sit aptum, sit sanum, hæreat corpori per fraternalm charitatem, hæreat capiti per dilectionem Christi, vivat Deo de Deo.)

§. 2.

Contemplare qualis in hoc Sacramento sit Jesus, qualem vitam vivat, ut hinc ideam Jesu amatoriam vitamque Christiformem compendio consummatam meditando, imitandoque colligas. Fecit hic ipse magi-

gnificum compendium sui. Totus in-
est , tantumque habet amabilitatis,
quantum habuit unquam, nec medio-
cris ad cumulum facta est, sed quia fieri
possit accessio. Verbum caro, sit caro
cujusq; sumentis: siquidem sit una caro
nobiscum , & habitat in nobis verè
Emmanuël,nobiscum Deus, non ad an-
nos circiter triginta quatuor, sed usq;
ad consummationem seculi, utinam &
usque ad consumptionem seculi in
mentibus nostris ? Benjamin relictus
nobis obses pro alimonijs, individuus
exilij nostri comes & solator. Quid ex
gratia unionis , quid ex intellectu ac
voluntatis dotibus. Quid ex pulchritu-
dine, ex beneficijs ac divitijs, quas no-
bis peperit investigabiles , quid ex a-
more nostri, quid ex passione, quid ex
titulis dignitatis, aut dignationis, aut
amatorijs. Quid ex figuris , nomini-
bus, elogijs amabilitatis habet , quod
in Sacramento non concludat ? Non
aliud profectò amabile , nec alia
ama-

amabilitas : h̄ic Deus homo, h̄ic sapientia ipsa, ipsa sanctitas: h̄ic pulchritudo , h̄ic divitias nobis partas velut in promptuario asservat , atque dispensat, h̄ic passionis memoriam ingredit, h̄ic gestat omnes titulos dignitatis, dignationis item officiosæ & amoris, nullum non exercet (ut singulos examinanti liquidum erit) verū spirat imprimis amor, & amorem inspirat. Profusis omnibus suis quid reliquum erit amanti, nisi ut seipsum penitissimè in pectus nostrum immergeret? Non erat satis amanti adunâsse sibi nos similitudine imaginis per creationem, unione hypostaticâ per naturæ nostræ assumptionē, gratiæ infusione per justificationem , ad extremum voluit sibi nos intimè coamentare per incorporationē cibi & potūs, quâ unione cogitari arctior nequit. (a) Accedit quòd in materia tam parabili, & quotidiana Sacramentum instituit,

quo

(a) Bern. ser. 2. de cœna.

quo nulli non sui etiam egentissimis
faceret copiam, & quotidianam ad
communionem invitaret. Sed & hoc
singularis est benevolētiæ, quod odor,
species, sapor, pondus remanent ad
mysterii ritum, & ad gustus suffragiū,
ut horror penitus tollatur, & meri-
tum sortiatur. Etenim ne humana in-
firmitas e sum carnis & potum san-
guinis in sumptione horreret, Chri-
stus velari, & palliari illa duo voluit
speciebus panis & vini, quæ inter ge-
neris humani virtualia quodammodo
tenent principatum: nam ad litteram
quidem, præ cibis omnibus cor ho-
minis confirmat panis, & vinum lati-
ficat. Sic itaque corpus & sanguinem
suum sumenda proposuit, ut sensus in
uno foveretur, in altero fides ædifica-
retur. Fovetur enim sensus in uno,
dum solita tantum & consueta pro-
spicit, ædificatur fides in altero, dum
oculo carnisidente aliud exterius,
oculus cordis aliud sentit, & revere-
tug

tur interius. Aliud enim latet, & aliud patet, posuit enim tenebras latibulum suum,) Ne conspicua majestas edentem opprimat, & meritum tollat: sed potius latentis involucrum suave excitet gustum, & ad charitatem illiciat. Adeò nostris commodis consultum voluit Amor. Præterea amaram esse decebat acerbissimæ passionis suæ memoriam, hanc tamen reliquit in epulo suavissimo; sibi amara, nobis dulcia servans, uti recordaremur eum cum gaudio mortem nostrâ causa pertulisse, & experiremur ipsi, quam suave sit jugum & onus suum leve: Neque verò memoriale passionis suæ instituit, quasi ex nostra recordatione aliquid ei accederet, sed eo fecit, ut patientis memores amantem redamando vivamus ejus morte, & qui amans mortuus est sibi, vivat amatus, ac vivificet in memoria redamatum. Ac sufficiebat quidem merum tanti beneficii signum, sed amor eum sui

CHRISTIFORMITAS,
sui ipsius esse monumentum voluit,
unde Eucharistia imago quædam
memorativa Christi est , utique pa-
tientis, sed plenæ, sicut Verbum ima-
ginem Patris , at plenum Patre vocat
Ambrosius. Amoris porrò tam bene-
fici magnitudinem exaggerat, quod
ea nocte se tradidit, qua nocte trade-
batur, & quidem Judæ traditori , in
quo sacrilegii similis reos prævidebat
innumerabiles, tradidit se. Quid quod
non certo tantum orbis loco, non sta-
to tempori , non personis leñissimis
tanti mysterii usum affixit, sed ubique
semper & omnibus permisit? Manet
perdius & pernox in altari , operitur
dum veniant ad cœnam invitati, & o-
peratur interim continenter sacris ip-
se sacerdos, & juge pro nobis sacri-
cium.(b) Potesne æstimare quale vel
quantum est hoc sanctum sanctorum,
& Sacramentum Sacramentorum, a-
mor amorum , dulcedo omnium dul-
cedinum?

(b) Bern, *ibid.*

§. 3.



Sed vide jam Christi mores ac vi-
tam Eucharisticam absolutissimum
ut amabilitatis, ita & imitabilitatis,
adeoque Christiformitatis compen-
dium. Parvulus hic Jesus, ac verè exi-
nanitus in orbiculo totus, in puncto
orbiculi, in puncti punctulo, in pun-
ctulo punctuli, ô quanto est hic se olim
infante minor ! non humana saltem
specie verendus patet, sed despicabi-
lis latet sub vini & panis accidenti-
bus velut pannosus, & fasciis involu-
tus jacet in altari, tanquam in praefe-
pio, heu ! pabulum futurus pecorum,
hæreticis scandalum, Judæis ac Tûr-
cis stultitia. Non decantatur hic pa-
lam ab Angelis, non apertè Magis-
denuntiatur, solis fidei oculis patet.
Verè Domine Jesu, tu es Deus abscon-
ditus ! Et nesciri fugies ô Christifor-
mitatis amans ? Præterea nihil hic fi-
ctum, nihil imaginatum, nihil adum-
bratum, ipsa res, ipsa veritas, ipsa sim-

R

pli-

CHRISTIFORMITAS,
plicitas, simplicem fidei oculum hoc
mysterium fidei exigit, & factos pro-
cul arcet, quibus alioqui non immor-
talitatis epulum fiet seu venenum. I-
taque epulemur non in fermento ve-
teri, nec in fermento malitiæ, sed in
azymis sinceritatis & veritatis. Ad
hæc munditium cordis & carnis im-
perat ac impetrat sanguis agni im-
maculati emundans ab omni pecca-
to, & sanctissimus carnis purissimæ
contactus. (a) Sancta Sanctis. Duo il-
lud Sacramentum operatur in nobis,
ut videlicet & sensum minuat in mi-
nimis, & in gravioribus peccatis tol-
lat omnino consensum. Si quis sapienter
accedens ad illud non tam frequen-
tes, nec tam acerbos sentit iracundia
motus, invidiæ, luxuriæ, aut cætero-
rum hujusmodi, gratias agat corpori
& sanguini Domini, quoniam virtus
Sacramenti operatur in eo, & gau-
deat, quod pessimum ulcus accedat
ad sanitatem.) Quis non obstupescat
(a) Ber.ser. 2. de Cœna.

ad

ad profundum non amplius infantis
pusilli , sed triumphantis viri Jesu in
Eucharistia silentium? Ne fari quidem
potest, si modum advertis, quo in Eu-
charistia existit. Et solitudo quanta
hic? In templis noctu vigilat, & factus
est sicut passer solitarius in tecto, simi-
lis factus Pelicano solitudinis, sanguine
suo nos ad vitam revocans, & sicut
nycticorax in parietinibus. Sint sanè An-
geli in circuitu ejus , at in rusticabis
maxime templis diu noctuque, imo &
in urbanis: de gentibus vix est, aut o-
mnino non est vir secum. Quid porrò
agit in hac solitudine derelictus? Orat
Patrem, ac se juge sacrificium offert,
majestatem supremam adorat, gra-
tias agit beneficentissimæ misericor-
diæ. Placat iratam justitiam, interpel-
lat liberalem providentiam, legatio-
ne pro nobis fungitur, ac mediatorem
agit. Quibus quæso oculis numen a-
spiceret mundum tot sceleribus con-
taminatum, nisi Christus factus con-

R 2

C1-

CHRISTIFORMITAS;
civis noster jugi sacrificio eum expia-
ret? inde fortasse est, quod ubi subla-
tum erit Antichristi tyrannide sacri-
ficium, continuò mundus interibit. An
majorem Patri, quam Sacerdoti ho-
muncioni obedientiam exhibuerit,
expendito. Ad vocem hominis sacra
verba enuntiantis, quam promptissi-
mè , ne interposito quidem morulæ
puncto,obedit , seque sub vilissimis
exuviis panis ac vini sistit. Nec intue-
tur personam Sacerdotis , sed in eo se
cui vices tradidit suas , perindè im-
probi ac probi ad vocem paratissi-
mus: Nullum excipit locum, nullum
tempus, constantissimè obediendi le-
gem , quam sibi ipse præscripsit , ac
perseverantissimè tenet , nec probris
aut injuriis quantumvis provocatus
abscedit , sed manet usque ad specie-
rum consumptionem,manebitque us-
que ad sæculi consummationem. Est
ne cadaver, baculus senis, cerea pilu-
la, crucifixi effigies (quæ obedientis
sumi-

similia proferebat, volebatque S. Ignatius magnificus ille obedientia & estimator & exactor) quæ facilius verti se finat quamcumque in partem, quam Dominus Jesus in Eucharistia? Hic pariter eminet Mansuetudo Paschalis agnitoties luporum dentibus laniati, nec balatum edentis, sed dissimulantis. Sed hic maximè dominatur Charitas, qua nos invicem diligere non præcipit modò, sed etiam facit inenarrabili nos unitate secum & cum Patre confederans. Unde non priùs hoc Sacramentum frequentari cœptum, quam missus fuit Spiritus sanctus, eoque perfectum, ut esset credentium cor unum & anima una glutino carnis & sanguinis Dominici. Nullum non ibi fraternæ charitatis, ac misericordiæ munus exercet, alit esurientes, potat sitiens, nudos induit juxta Apostolum, *induimini Dominum IESVM Christum*, in carcere orbis hujus nobiscum est, carceratos

R 3

car.



CHRISTIFORMITAS,
carceratur ipse specierum in angusto
ergastulo, visitat & infirmatus infir-
mos, cùm ad eos defertur, sepelit via-
tico moribundos, ac sàpè consepeli-
tur, corrigit, docet, pandit arcana, vi
& efficacia. Denique ponit animam
suam toties pro nobis ovibus suis,
quoties nos carne sua pascit ac san-
guine. Ut etiam dilectio inimicorum
commendatur! Hic dignatus ipse vi-
tulus in reconciliationis epulum fieri
voluit, hinc procul arcet inter se dis-
sidentes, nec priùs admittit quàm re-
conciliatos. Audi quàm reconciliatos
non sòlùm aliis, sed etiam sibi ipsi
convivas velit. Interrogatis, ait Ber-
nardus tract. de præcep. & dispensat.
quidnam consulam homini, qui ad-
versus quempiam commotus fuerit,
sed non adeò, ut eum lèdere ipse ve-
lit, adeò tamen, ut libenter accipiat, si
quo modo aliunde lèdi contigerit, sit
ne videlicet tutum ita commoto ac-
cedere ad altare, an se subtrahere in-
terim

terim debeat, donec compescatur
commotio. Numquam mihi contin-
gat turbatum ad pacis accedere sacri-
ficium, cum ira & disceptatione con-
tingere Sacramentum, in quo Deus
indubitanter est mundum reconcilians sibi. Certè non recipitur munus
quodcumque meum, quod defero ad
altare, nisi ante placato fratre, quem
me fortè lassisse meminero, quanto
minus si meipsum nō pacavero priùs?)
Jam verò patientiam Christi in Eu-
charistia quis explicet? Ipsa signa pas-
sionibus suis patientiam & passionem
Christi commendant: Ut panis & vi-
num ad tantam gloriam transsubstani-
tationis perveniant & Christificen-
tur, quanta perferunt? Granum fru-
menti in terram vomere proscissam &
subactam quasi contemptum projici-
tur, moritur, imbre, nive cœli soliq;
injuriis obruitur, si crevit in spicam &
maturuit, illico metitur ferro, ligat-
ur, flagello tunditur, cribratur, mo-

R 4

li:

litur, mergitur aquâ, pinsitur pugnis
hostiliter impactis, ad extremum igni
coquitur. Nec prius transsubstanciat-
tur, quam nova morte sacrificia fundi-
tus intereat, solo cadavere acciden-
tium relicto. Vinum item per quot
tormenta perficitur? quotuplex vitis
circumfossio, præcisio, ligatio, quot
lacrymæ? racemus ferro cæditur, pe-
dibus proculcatur, torculari obteritur
semel, iterum ac tertio usque ad ulti-
mam quasi sanguinis guttam excarni-
ficatur. Estne quidpiam comestibile
vel potabile quod assumere potuerit
Christus ad passionem suam ac patien-
tiā nobis commendandam? vel ex
hoc viētu quotidiano, quo vivis disce
mortalis te non aliter ad vitam Chri-
stiformem & immortalem, quām pa-
tiendo perventurum. Quanta autem
ipsius Christi nuditas & paupertas sub
panis ac vini tenuissimis spoliis? quan-
ta in sacris pagorum innumerabilium
mapalibus & altarium paupere sup-
pel-

pelle etili? ubi non videoas magnificeh-
tius habitare Dominum pagi, quām
Dominum cœli? ubi non lavat manus,
potatve in argento fulgente triobola-
ris prædioli rusticus domicellus, quā-
do corpus Dei sui locatur, ac sanguis
ejus bibitur in livente stanno? hoc vi-
det JESUS, hoc intelligit, nec indigna-
bundus exit è templo aut vase stan-
neo , sed pauperie sua se involvens
permanet nobiscum in medio natio-
nis pravæ sicut agnus inter lupos.
Quid si adhæc insignem præsentissi-
mæ majestatis contemptum conside-
res? Recole hæretorum, Turcarum
ac infidelium convitia, scurrilitate bla-
phemæ, projectiones in cloacas, in
gulam brutorum, proculcationes &
alia indignissima. Quid simile passus à
Judæis Crucifixoribus? à fidelibus por-
ro minora quidem in speciem, at sub
nomine fidelium atrociora excipit ab
sacerdotibus sacrilegis , ab indignè
communiçantibus, à magis, à templo-

R. §

rum



CHRISTIFORMITAS,
rum violatoribus, à parum reverenti-
bus tantæ majestatis etiam cæteroqui
non usquequaq; impiis. Hæc ò Christi-
formitatis zelantissime lege & luge,
ac si quo signo contemptus bilem tibi
aliquādo ignescere senties, ad Eucha-
risticam patientiam ocyus eam restin-
gue. Disce denique commori Christo
in Eucharistia. Ibi mortuus distinctis
speciebus significatur, quaten⁹ vi ver-
borum sub speciebus panis nil ponitur
nisi corpus: sanguis verò sub speciebus
vini, tametsi per concomitantiam nil
Christi non ponatur sub utrisque. De-
indè mortui instar vivit in Sacramen-
to quasi moriens, ecce vivit, non vi-
det, non audit, non tangit, nullam de-
niq; animi aut corporis ab organis ac
phantasmatis pendentem operationē
exercet, solo spiritū ac spiritus modo
vivit mortificatus carne. Nimirū h̄c
Spiritus ante faciem nostram Christus, & in
umbra ejus vivimus inter genes. Quin e-
tiā speciebus velut cadaveri panis ac
vini

vinicunjunctus moritur quodammodo cum utroq; per communicationē idiomatum , sicut Deus cum humanitate moriente conjunctus Dominus mori & ipse dicitur , & cum eisdem symbolis ab communicante consumptis , ne quid ônino superfit holocausti, esse sacramentale deperdit. Tu itaque similiter spiritu vive , spiritu & ambula, sed & mortuus esto , ac vita tua sit abscondita cum Christo in Sacramento , vive simul cum Iesu gloriōsus ac sublimis in cœlo coram Deo, at mortuus esto & humiliis in terris coram hominibus, non videri amans sed esse. Ad extremum zelus Iesum illiciatum sacramento tenet , ac transformat in escam, ut inescati mortales hamo zeli capiantur. Hinc & illud zelus domus tuæ, Ecclesiæ scilicet, comedit me, & comedibilem facit. Ibi sicut sitim nostram, ut anima nostra desideret ipsum , sicut desiderat cervus ad fontes aquarum. Te ô Christiformita-

R 6

tis



CHRISTIFORMITAS,
tis zelator flagrantissime , zelus idem
devoret, & proximi salus consumat,
zelaste Ecclesiaz & altari velut spōsæ
illiget,sit zelus domus Dei,ibi thesa-
rus tuus, ibi sit & cor tuum, dic cum
Propheta : Etenim passer invenit sibi do-
mum, & turturnidum sibi, domus mea,
nidus meus , altaria tua Domine virtu-
tum, Rex meus & Deus mens. Ps.83.

§. 4.

HAc tenus explicata si serves, fece-
ris absq; dispendio plenissimum
Christiformitatis consummatæ com-
pendium, ac parueris sapienti sic ad-
monenti, cùm sederis ad mensam di-
vitis, impone gladium gutturi tuo, &
scito quoniā te oporteat talia præpa-
rare.Præparaveris enim talia, & gla-
diū gutturi admoveris sedens ad men-
sam Christi, si ad vitam & mortē Eu-
charisticam Christi te composueris.
Quod si præter hæc apparatus incar-
nationis mysticæ in prima hujus opu-
sculi parte instructum adjeceris, quo-
ties

ties ad sacram te communionem adornas, nimisrum aestimationem tanti mysterii ac desiderium excitando, indignitatis tuæ confessionem ac petitionem non oscitanter adhibendo, tū verò divini epuli virtute Christifica Christiformatus, omnis consumatio-nis Christiformis videbis finem, & latum charitatis mandatū senties nimis. Atq; hæc vitæ Christi mysticæ clausula esto. Nec enim tentanda Christiformitas cum Iesu resurgente, ascenden-te ac sedente à dextris Dei, quæ non proponitur nobis ad labore, sed promittitur in præmium. Nostra interim conversatio sit in cœlis, unde etiam salvatorem expectamus Dominum nostrum Iesum Christum, qui refor-mabit corpus humilitatis nostræ configuratum corpori claritatis suæ, secundùm operationem qua possit subjicere sibi omnia.

Amen.

R 7

INCAR-

